

Bariba - Agape Gusunɔn Gari - God's Love Letter Scriptures

Yohanu 15:9 Nge mɛ Baaba man kĩ, nge mɛya na maa bɛɛ kĩ. I yɔ̄ ro nɛn kĩru sɔɔ.

Esai 43:1 Yinni Gusunɔ u nɛɛ, Isireli, Yakɔbun bweseru, wunɛ wi na mɔma na taka kua, a ku bɛrum ko, domi nɛna na nun yakia. Na nun soka ka wunen yɔ̄siru, a sāawa nɛgii.

Yeremi 1:5 u sere man mɔmɛ nɛn mɛron nukuro, u man yɛ̄ saa ba ñ man marubu kpa. U man gɔsa u yi nɛnɛm n ka ko win goro handunian bwesenun mi bu sere man ma.

Yohanu 15:16 N ñ mɔ bɛɛya i man gɔsa, nɛna na bɛɛ gɔsa. Na maa bɛɛ wuna nɛnɛm kpa i da i binu ma ni nu koo tɛ. Kpa gāanu baanire ni bɛɛ i kana nɛn Baaban mi ka nɛn yɔ̄siru, u bɛɛ wɛ̄.

3 Yohanu 1:2 Nɛn kĩnasi na kanamɔ a n kuuramɔ gāanu baanire sɔɔ, kpa wunen wasi yi n bwāa do nge mɛ wunen hunde ya sāa.

Esai 43:4 yèn sɔ̄ a sāa gāa bakanu nɛn nɔni sɔɔ. A girima mɔ, na maa nun kĩ. Kon bwese dabingu yibɛrɛba nɔmu sɔndia wunen ayero n ka wunen wāaru yakia.

Yeremi 31:3 Bɛɛ Isireliba, na bɛɛ nɛn tii sɔ̄ɔsi saa yellun di. Na bɛɛ kĩwa sere ka baadommaɔ. Yen sɔ̄na na bɛɛ nɛn durom derie.

Osee 11:8 Ka mɛ, bɛɛ Isireliba, na ñ kpɛ̄ n bɛɛ deri, n bɛɛ tɔnu kandu kua. Na ñ kpɛ̄ n bɛɛ kam koosia nge mɛ na wuu si ba mò Adima ka Seboimu kua. Wee nɛn gɔ̄ru ga sankire, nɛn bwɛra kun kpunɛ.

Yohanu 3:16 Domi Gusunɔ u handuniagibun kĩru mɔ, sere u win Bii tɔn duro teereru bu wɛ̄, kpa baawure wi u nùn naanɛ doke, u ku kam ko, adama u n wāaru mɔ te ta ku ra kpe.

Esai 49:15,16 Adama Gusunɔ u nɛɛ, tɔn kuro u ra win bii wi u bɔm kɛmɔ duari? U ku ra win wɔnwoñdu ko? Baa ù n duari, nɛ, na ñ nun duarimɔ, Yerusalɛmu. 16 Domi na wunen yɔ̄siru yorua nɛn nɔm tararɔ. Na ra wunen gbāraru yaaye nɛn bwisikunu sɔɔ.

Esai 41:13 Domi nɛna na Gusunɔ bɛɛn Yinni wi u bɛɛ dam wɛɛmɔ. I ku bɛrum ko, na bɛɛ somiru wee.

Mateu 28:20 Kpa i de ye na bɛɛ sɔ̄ɔwa ba n ye kpuro mɛm nɔɔwammɛ. N wee, ko na n ka bɛɛ wāa baadomma sere ka handunian kpeero.

Yohanu 14:1 Yesu bu sɔ̄ɔwa u nɛɛ, i ku wurura. I Gusunɔ naanɛ dokeo kpa i maa man naanɛ doke.

Esai 41:14 Yakɔbun bweseru, bɛɛ be i tie i ñ dam mɔ ma ba bɛɛ garisi

nge kɔkɔminu, i ku nanda. Nε, Gusunɔ Isireliban Yinni Dεero, na bεε somiru wee. Na sãawa bεεn faaba kowo.

Esai 43:2 À n wahala mò nge wi u nim bweru tɔburamɔ, ko na n ka nun wāa. Wahala ye, ya ñ nun kamiamɔ. À n maa nɔni sɔɔre nge wi u sɔimɔ dɔɔ sɔɔ, a ñ wururamɔ. Mεya nɔni swāa te, ta ñ nun suramɔ.

Wamusu 23:1-6 Dafidin womu. Yinni Gusunɔ wuna a sãa nεn kparo, na sãawa nge wunen yāaru. Na ñ gāanu bie. 2 Wuna a ra ka man de mi yaka bekusu wāa. Wuna a ra ka man de mi nim mu maari. Kpa a man wērasisa mi. 3 A ra de nεn dam mu wurama, a ra man sure swaa gea sɔɔ, wunen yīsirun bεerɛn sɔɔ. 4 Nà n sɔimɔ yam wōku bakaru sɔɔ, na ñ kɔsa nasie, yèn sɔɔ, a ka man wāa. Wunen dɛka ya ra man kpare. Wunen bokura ta ra man gbare. Yeniwa ya ra man dam kɛ. 5 Yinni, baa yibεrεba bà n man sikerenε, a ra man dam koosie ka bεerɛ, a turare gumgia wisi nεn wirɔ, a dīa bwese bweseka yi nεn wuswaac, a nεn nɔra yibia pεrεrε. 6 Yinni Gusunɔ, na yɛ ma tɔɔ baatere kaa man tɔn geeru sɔɔsi nεn wāaru sɔɔ. Tɔɔ baatere kaa man gea kua nεn wāaru sɔɔ. Kpa na n wāa wunen mi sere ka nεn gɔɔwɔ.

Yohanu 14:27 Bɔri yenda na bεε deria, nεn bɔri yenda na bεε wēxemɔ. Na ñ bεε tu wēxemɔ nge mε handunia ya ra wɛ. I ku wurura, i ku maa nanda.

Filipi 4:7 Ma bɔri yendu te Gusunɔ u wēxemɔ, te ta tɔnun yɛru kpuro kere, ta koo bεεn gɔ ru ka bεεn bwisikunu kɔ su bεε ka Yesu Kirisin gbinnaa sɔɔ.

Mɔnnu 3:24 À n kpuna wōkuru, bεrum kun nun mò. Kaa dweeyawa ka bɔri yendu.

Wamusu 4:9 Nà n kpuna na ra dweeye ka bɔri yendu, domi wunε turowa a man kɔsu, Yinni Gusunɔ.

Wamusu 33:18 Adama be ba Yinni Gusunɔ nasie, ma ba ben yīiyɔbu doke win durom sɔɔ, beya u kɔsu,

Romu 5:2 Win min diya naanε dokebun saabu sa durom mε wa mεñ sɔɔ sa yɔ dim dim, ma sa nuku dobu mɔ yèn sɔɔ sa yīiyɔ sa ko bɔnu wa Gusunɔn yiiko sɔɔ.

Esai 55:12 Ka gem, i ko yari yorun di ka nuku dobu, kpa bu bεε kpara alafia sɔɔ. Guunu ka gungunu nu koo yɛeri bεεn wuswaac, kpa dāa ni nu wāa yakasɔ nu taki ko.

Yohanu 16:22 Mεya n maa sãa bεεn mi. Tɛ, bεε i nuku sankiranu mɔ, adama kon kpam bεε wa, ma bεεn nukura koo dora. Goo maa sari wi u koo kpř u bεε nuku doo bi mwaari.

Luku 12:9 Yesu u nεε, tε, amɔna gbaa yεro wi, u koo ko. U koo da u gbaa wuko be go kpa u win gbaaru gabu nɔmu sɔndia.

Mateu 10:30 Bεε maa, ba mam bεen wirun serin geeru yε. 31 N n mεn na, i ku bεrum ko, i gunɔminu bεεre kere sere mi n toma.

Esai 54:10 Baa guunu nù n swεnya, ma gungunu nu kɔsikira, nεn kīru ta ñ nun dεsirarimɔ. Mεya maa bɔri yεn tεn nɔɔ mwεεru na nun kua, ta ko n wāawa sere ka baadommaɔ. Nε, Yinni Gusunɔwa na yeni gerua, nε wi na wunen wɔnwɔndu mɔ.

Mateu 11:28-30 I na nεn mi bεε kpuro, bεε be i ka bεen sɔmunu wasira, kon bεε wεrasia. 29 I wuro n bεε kpara kpa i ko nεn bwāabu, domi nε tɔn duuduo ka tii kawowa, mεya kon de i n wāa bɔri yεndu sɔɔ. 30 Domi yoo te kon bεε diisia ta ñ wahala mɔ, sɔmu ni kon maa bεε sɔbi nu ñ bunu.

Womu Duro 2:10 Ma u ka man gari kua u nεε, a seewo nεn kīnasi, kurɔ burɔ, a na.

Osee 2:14,19,20 Kon de win resεm dānu ka win figieba bu kam ko be u nεε, u wa durɔ tanɔbun min di. Kon de gbee ni, nu ko dāa sɔɔ, kpa gbeeku yεε yi dāa nin marum di. 19 Kon de u būwi ba mò Baalin yīsiru duari kpa u kun mam kpīa u tu sia. 20 Saa yera kon ka gbeeku yεε ka gunɔsu ka sere yεε yi yi ra kabiri arukawani bɔke yi ku ka nεn tɔmbu kɔsa gaa kua. Kon de tabu bu kpe, kpa ba n wāa bɔri yεndu sɔɔ.

Yaribu 3:14 Gusunɔ u nùn wisu u nεε, nεna wi na ra n wāa. A Isireliba wisio a nεε, wi u tii sokumɔ Wi u ra n wāa, wiya u nun gɔrima ben mi.

Osee 13:4 Adama nε, na sāawa Gusunɔ ben Yinni saa mìn di na bu yarama Egibitin di. Ba ñ maa Yinni goo mɔ ma n kun mɔ nε. Faaba kowo maa sari nε baasi.

Yohanu 15:14 Nεn bɔrɔbara bεε i sāa iñ n mò ye na bεε yiire.

Kāsiru 3:20 Wee, na yɔ dii kɔnnɔwɔ na taka mò. Baawure wi u nεn nɔɔ nɔɔmɔ ma u kεnia, kon du win mi, kpa n ka nùn di kpa u maa ka man di.